

近代中國史料叢刊第十二輯

沈雲龍主編

語冰閣奏議

鄧承修著

附：中越勘界電稿

文海出版社印行

諸
人
日
學
率
義

戊午三月

梁印

清道人



鄧鴻臚小像



清道人



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



鄧承修列傳 丁巳年從清史館錄出

鄧承修廣東歸善人咸豐十一年舉人同治二年援例捐郎中簽分刑部七年與修玉牒告成奉

旨無論題選咨留遇缺即補八年補刑部四川司郎中十二年授浙江道監察御史疏言廣東賭風甚熾每屆鄉試及歲科試期開場設局竟巧立闖姓名目抽收經費搜括民利貽害科場有乖政體請革除之得

旨著瑞麟張兆棟即行裁革嚴禁以肅政體而杜弊端是年京師水旱數見畿輔成災承修疏請因災修省並

詔求直言

上嘉納之十三年充會試稽察磨勘官殿試分卷官考試內閣中書及八旗教習監試官時有前任兩廣總督門丁黃天錫冒番禺縣籍朦捐職官復令其子黃章俊曠考取列優貢士林譁然承修劾論之天錫章俊皆斥革旋以父病請假回籍

光緒二年丁父憂服闋補江南道監察御史卽列廣東廣州府知府馮端本招權納賄狀劾去之轉掌雲南道監察御史時恩承童華奉

命四川查事以過境擾累被疆臣糾陳下部嚴議承修疏論恩承等查辦東鄉數年巨案百姓之奇冤一旦平反於奸人歛怨必多今言者不察以小民一紙之呈訴撫以入告

朝廷未加詰問便蒙罪責彈疆臣如撼山叅廷臣如拉朽恐此後使臣習爲畏沮遇事互相徇隱疆吏知其易動妄生揣測輕量

朝廷必馴至內輕外重之勢伏乞嗣後差遣使臣必察其廉介有威望者然後畀以重任總以查事得實爲稱職其間有未能檢束致被彈劾者亦須俟其覆

命之日始行究詰不必令其摧折於查辦之地以快奸邪奏入奉

上諭朝廷賞罰總期功過分明豈有中外之別使臣既有應得之咎何能曲爲原宥該御史奏稱須俟覆命之日始行究辦亦非政體所奏著毋庸議尋劾奏廣東學

政吳寶恕貪婪驕蹇下部議降寶恕三級調用六年七月奏言俄人訂約以來在朝之臣因循弛慢屢失事機及遇邊奏急來則舉動倉皇絕無處置恐敵人窺我怯懦將來條約愈多反覆請

調左宗棠入輔委以軍國大柄使內修政事外總兵權庶朝野上下有所恃而不恐逾年

詔左宗棠入贊樞密實用承修言也十一月戶部侍郎長敘與山西布政使葆亨於忌辰日嫁娶讜客承修疏劾之長敘葆亨均奪職十二月巡視東城七年二月湖廣總督李瀚章奏准故總兵周有全建祠立傳承修以其欺罔冒濫奏請撤銷從之六月彗星見於北方復請任賢去邪以固邦本疏曰臣聞變異者天之仁愛人君使之恐懼以致福也伏見

皇太后垂簾聽政

皇上冲齡踐祚

主德清明曾無缺失彗星之出殆爲樞輔諸臣或未當天意乎商書曰股肱惟人良臣惟聖君之倚良臣猶人之須手足也手足不能舉則無以爲人大臣不任事則無以爲國竊見大學士寶鋆久贊樞機值此時事多艱自應竭誠報國而近年屢請病假恣逸於家養疴自便處之晏然臣勞於義安忍且性好談諧逢人狎侮鄙正論爲無知視國事如兒戲而望其表率百辟難矣戶部侍郎王文韶本蠶稅之材斗筲之器爲曹郎日以奔競著名不數年而外任封疆內居機密家資鉅萬衆所共知倘詢其所由來必有不堪問者方今時勢艱難外患孔急辦理之要首在內治所謂內治者正朝廷以清其源也如寶鋆王文韶之老猾貪庸豈足當重任而禦外侮耶應請

量予罷斥以應

天心大學士左宗棠以邊警召還方其入朝中外喁喁望治今既數月矣絕未見有設施卽其自請治畿輔河渠固屬根本之計然天下事豈無更大於此者臣聞國

事所關莫先刑賞大臣之責不顧嫌疑昔宋仁宗銳意太平責成輔相開天章
關召輔臣條對范仲淹退而上十事首以明黜陟抑僥倖爲言富弼上當世之
務十餘條亦以進賢退不肖爲己任他如姚崇之相明皇李德裕之相武宗莫
不以分別邪正舉直錯枉爲第一事左宗棠受任以來豈竟一無聞見乎臣願
左宗棠以姚李范富自期

朝廷亦當責以天下之重使得盡陳其所欲爲必曰方今何事可憂何人可任何
利可興何害可除何者爲先務何者且緩圖責之專而毋掣其肘若不效則重
治其罪毋阻於邪說毋惑於浮言所以固邦本而弭天災無過於此尋左宗棠
因病乞退

上特命爲兩江總督承修復上疏乞留之不報十一月疏陳湖北財政吏治積弊並劾
督臣李瀚章荒淫貪酷諸狀

上命左宗棠查辦奪道員楊宗濂等職瀚章旋亦解任承修巡城一年捕獲營房聚賭

匪徒糾窩賭營官劾冒功朦保坊官揭發捏遞匿名書信之職官皆奉

嚴旨懲治風氣爲之一肅八年遷工科給事中正月奏陳關稅侵蝕之弊十餘年來日增月益殆不可以數計其見諸奏牘者如前任兩廣總督劉坤一署理海關纔數月耳已溢銀十五萬兩其實缺之胥吏僕役又當倍是可知柯玉棟一閱海關書吏耳不數年而家貲鉅萬捐納知府書吏如此則正任可知至津海關密邇京畿其在人耳目如餽遺過客供應上官歲須數萬金皆取償於此則飽入私囊重載而歸者可知他如上海登萊蕪湖漢口新關九江夔州廣州肇慶梧州歸綏道山海關凡有關稅者無不侵蝕綜而計之不下數百萬今部臣晝維夜算欲額外求一錢辦公而不可得而坐視此數十百萬之民脂民膏悉付之狼吞虎噬而不問此臣所不可解也且

國家取民田賦以外祇有權稅然錢糧之分數卽州縣之考成有侵蝕者則監追叅劾隨之至於權稅則賊私入己累累數百萬聞之如不聞見之猶不見可乎

不獨此也因其貨利以接納長官彌縫要路既以差而得富復以富而市官賄賂日彰官邪益著吏治何由不壞財用何得不竭乞

特派大臣密查確數據實奏並

飭下各督撫所屬有關稅者妥定章程或於徵收溢額之中酌留一二以爲緩急辦公之用其餘悉數解部年終開單呈

覽以備稽核得

旨著管理關稅之督撫監督等各就徵收實在情形和盤托出遵照部章於正額盈餘外按年溢解朝廷意存寬大亦不追其既往經此次嚴諭飭查後如再有掩飾迴護情弊別經發覺惟該督撫監督是問四月揭叅步軍統領番役妄拏廣東舉人古名猷有

旨嚴詰步軍統領衙門步軍統領覆奏意存脫卸承修復劾之

命大學士會同刑部按治八月以高麗亂黨粗平琉球之案未結因上疏曰近者高麗

骨肉相猜外賊乘政亂機久伏逆黨乘之逐君醜后橫及日臣

朝廷命將出師二旬之間罪人斯得

聖武布昭遐邇悅服惟聞日廷議論洶洶羣疑滿腹推原其隱殆以中山之案未結恐我揚兵域外爲聲罪致討之師耳故自拓商分島之請未遂日使怏怏而去近聞忽派海軍中將榎本武揚爲駐華公使聞其人頗習兵事素爲日廷倚重一旦出使殆將陽作調停陰覘虛實和戰之局轉環之機實決於此夫以中國土地之廣人民之衆物產之富賢才之秀甲於地球

朝廷徒以重發難端習爲偷惰重以西國兵甲之堅利器械之精良製造之工巧貿易之便捷歐人方挾其長技以凌我而苟安持祿之輩遂以爲西盛而中衰環顧而不敢言戰卽以日本而論自李唐步趨中法千餘年於茲矣一旦舍其舊而新是謀法秦政之坑焚效武靈之胡服幾有雄長亞洲之意然其始未敢大猖獗也臺灣之役姑爲嘗試而我曾不聞以一矢加遺擲金錢數十萬以求

一日之無事此其所以肆然無所復忌也而泰西各國因得以窺吾虛實於是威妥瑪有煙臺之行巴蘭德有天津之議俄約紛更日人乘隙夷琉球爲郡縣而突戶璣遂下旗回國恣情挾損威毀重其所由來者漸矣臣統觀今日時局日本視中西之強弱以爲向背各西國又視中東強弱以爲轉移一髮千鈞關繫甚重臣以爲中西交際不妨虛與逶迤示以寬大而東瀛有事則宜全力以爭不宜絲毫遷就啓列邦以輕量中國之心且日本非果富且強也彼之悍然不顧者徒以中國之重發難端耳今以高亂之故

朝廷忽遣重兵分道並進所謂疾雷不及掩耳彼既駭然謬然失其所恃不旋踵而遣使情見勢絀概可知矣臣以爲

朝廷宜乘此聲威將高人致亂之由諸將平定之功速宣示中外

特派知兵大臣駐紮烟臺相機調度厚集南北洋戰艦示將東渡分撥出洋梭巡更番出入藉以熟探沙纒飽閱風濤流覽形勢爲扼吭拊背之謀其駐紮高麗之吳

長慶水陸各軍暫緩撤回以爲犄角布置既定然後責以擅滅琉球肆行要挾之罪料日人必有所憚而不敢發不惟球案易於轉環卽泰西各國知吾軍勢既張不諱言戰如法人之蠶食越南私邀盟約非口舌所能爭者可不勞而定矣又以金幣暗耗國用日空宜籌補救之法疏言國家與外人通商十餘年矣嘗考近年出入之表輸入者七千餘萬輸出者僅五千萬而洋藥入口價值至三千餘萬爲今之計若能杜絕來源嚴禁民食拔本塞源斯爲上也其次莫如弛種櫻粟之禁仿屯種之法以敵其利疏皆

留覽嗣以雲南報銷案遷延日久疏請先將被叅之王文韶罷斥使審訊者無所顧忌
易得情實

上不允惟添派倬親王翁同龢會同查辦旋因星變河決陳政令闕失復疏論之仍不
報十一月劾都察院左副都御史崇勳素無行檢

上命廣壽閣敬銘查確視其職十二月極言考場積弊條陳七事曰慎簡考官曰嚴懲

房薦曰精核錄遺曰嚴稽考到曰整頓騰錄曰整肅場規曰嚴行覆試皆得

旨施行九年轉戶科掌印給事中稽察富新倉二月奏叅前山西布政使方大湜以來

京聽候

簡用之員繞道不前飾詞託病違

旨任情下部懲處

從之又以廣東守令貪庸乖謬諱盜殃民劾罷高州知府鍾秀茂名縣知縣王之澍三

月充會試內簾監試官七年已革總兵陳國瑞在戍病故承修臚陳功績代乞

恩施

詔開復原官戰績宣付史館八月以外患日深請

飭百官廷議以定國是略曰法人窺我無能肆意蠶食取南定取河內長驅入越

朝廷絕無處置關外之師逡巡而不敢進者數月惟越之督臣劉義以孤軍血戰

幸而勝之不然越之北境已爲法人有矣昨者道路傳言法人龔居順化阮氏

已降國都已覆聞劉義所將精銳不過二三千人久暴露於外糧盡援絕其勢不支越之全境必折而入於法越已入法則因越地用越人開鑛制器練軍積穀較歐洲數萬里之調發難易迥殊數年之間必別開幾端爲得寸入尺之計則滇粵之邊防益亟而禍無既日矣所謂一日縱敵數世之患不知諸臣果有何法以善其後也伏見

祖宗朝凡有大事必須廷議以博采羣言前者俄人踞地要求疆臣有棄地徐圖之議皇上聖明廣集廷議雖無甚裨補而盟約卒底於成今越南之變迫於俄境而大於琉

球乞

特召百官廷議各陳所見若言無可采則決之

宸斷庶浮議息而國是定矣倉場侍郎游百川奉

命察看黃河力持分水之說欲開徒駭馬頰導河北行承修言該侍郎所議勞費無益且直以鄰國爲壑得

旨著游百川回任以陳士杰代之又以已故知府馬繩武素行卑污濫膺祀典奏罷之十一月以廣東吏治積弊奏陳八事一查事委員宜禁受賄一流腐土著宜禁服官一劣幕盤踞宜嚴稽核一貪吏苛罰宜嚴開脫一諱匿劫盜宜援案糾叅一械鬪殺傷宜嚴定處分一捕拿盜匪宜禁焚屋一官員庇賭宜申禁令復極論知府劉漕年方功惠知縣盧樂成徐殿蘭胡鑑王序賢通判陳嵩壽暨撫幕沈彬宋華廷諸員賊污酷虐狀先後得

旨詰責降黜有差十年二月法越事亟邊防兵潰首劾唐炯徐延旭失律喪師趙沃黃桂蘭擁衆坐視宜正軍律復論沿邊之患廣西急於雲南沿海之患廣東急於他省宜

命張樹聲統軍出駐南甯彭玉麟總督兩廣激勵提督方耀總兵鄭紹忠鄧安邦各員使皆奮勉效命則邊防海防各得其任矣三月朝廷以邊事日壞斥退舊輔別簡樞臣復奉

懿旨軍機處要事會同醇親王商辦承修疏論

國家之用親藩與大臣異大臣有過罷斥之已耳親藩則國家同休戚有過必裁抑之曲成之毋使終於廢棄而後安恭親王輔政多年久資倚畀請

皇太后俯念親賢深維國計用醇親王之忠誠以肩其鉅用恭親王之諳練以理其煩於共和夾輔之道不無裨益四月督臣李鴻章奏稱法國水師總兵福祿諾令稅務司德璀琳面呈信函請將越事從中和解承修聯合臺諫極言和議難恃請

詰問李鴻章此議能否確有把握仍

嚴諭沿邊沿海各督撫力籌戰守免墮奸謀旋偕國子監司業潘衍同密陳間敵之策曰法夷國事皆出議院兵餉皆由商貸越南之役因添招大富浪夷兵及漆甲黑鬼兵數爲劉義之兵所挫傷夷過半各夷日索賠費法人力不暇給其困敝一也法總統剛必得勝普法之亂驟握大權國人不服調兵籌餉動拂商情若

堅持數月彼內變立起其困敵二也法夷前據嘉定六省今又增數省疆土日
闕備多力分日虞我師之至其困敵三也越南暑濕秋夏之交瘴癘驟發彼軍
遠來卒不服習死亡必多其困敵四也法夷數敗之後以重利餌沿海粵民使
爲前敵自去年十月法商人心渙散餉源匱乏延不支發兵士憤極思亂其困
敵五也有此五敵宜其和之速且易矣

朝廷若遽許其和彼得以其暇日修守戰製器械爲後日攻取要求之計所謂養
虎遺患可爲寒心聞此次法夷所持以破劉軍者皆兩廣沿海邊界客民客民
最爲夷人所畏亦易爲夷人所誘與其去之以資敵何若用之以攻敵爲今之
計惟有主緩和之議以破其狡詐之情用反間之謀以斷其招徠之路雲南昭
通鎮總兵何雄輝籍隸廣東熟諳邊徼要害於客民言語相通乞

飭何雄輝逕赴兩粵邊界專招客民數營或爲外援或潛往敵營以爲內應我軍駐邊
界者復遙爲應援一俟機緣立時舉發如此則戰固可勝和亦無傷誠今日簽

底抽薪之奇計也時邊軍屢挫

朝廷擇將以唐仁廉調署廣西提督承修謂津海爲畿疆門戶奏請仍留唐仁廉駐守北塘以固根本五月授內閣侍讀學士六月復言西山失守北甯潰散法夷遂有輕量中國之心迨見我遣將增兵軍心稍振法又以和餌我

朝廷既許之法仍慮我邊軍未撤牽掣於西未遑於東于是有諒山一役藉詞背約而馬建忠李鳳苞赫德諸人潛結勾通挾制

朝廷恐嚇總署遂下撤兵之

詔使法人無西顧之憂遂敢悉其精銳盡力於東爲索償兵費之舉今宜電

諭張樹聲統率淮軍由東路進逼海防別令何雄輝招募客民爲奇兵由欽廉小路進王德榜統湘軍由中路進攻北甯而令唐景崧率所部爲前鋒岑毓英率劉永福出保勝由西路進部署既定一有決裂卽

諭令疾馳出關此乃以攻爲守之策則我可以得志而沿海之患亦可稍紓矣會法人

藉口爭奪攻佔鷓籠樞臣議戰議和游疑莫決承修再陳三策曰法之所長在水戰我之所長在陸戰今法夷攻據鷓籠舍舟登陸實爲棄長用短且彼所恃西貢東京之援耳我若以三路之師急攻越南彼將自救不暇不出旬日必將求成於我然後我以重兵屯越使彼內有所忌而後沿海之禍可紓卽沿海之兵可滅此爲上策其次則分兵爲守敵來則戰敵去不追然備多力分彼以數艦之衆纒吾十萬之師曠日持久師老財匱利害與吾共之此中策也若以餉絀運阻爲虞不敢言戰敵人得窺此意以戰脅我以和餌我不折一兵使我坐輸八十兆之鉅款彼得藉以經營越南蠶食滇粵其禍可勝言哉是謂下策是謂無策七月補鴻臚寺卿疏稱近者法人因要挾未遂率其兵艦直犯馬尾若舍舟登陸棄其所長乘勢進攻福州我以長門馬尾各路之師扼其歸路俟援兵四集可聚而殲也竊意法人必不出此不過揚威海上調其西貢東京之兵希圖再舉耳

朝廷前者諭令滇粵進兵以爲牽掣實目前第一要著但進攻宜速事權宜一請特詔唐景崧速爲召募成軍迅卽出關與劉永福併力攻取軍中事宜許其專摺陳奏

更獎勵王德榜軍令同時並舉爲劉軍犄角則規復可期矣八月

命在總理各國事務衙門行走疏辭

不許九月以征南諸軍將帥不和多懷顧望疏請

特簡一威望素重之大臣如彭玉麟等督辦兩省征南軍務以一事權復奏保刑部主

事楊秀實舉人知縣黃遵憲均得

旨錄用十一月疏言聞鷄籠失後臺灣巡撫劉銘傳知爲李彤恩所誤愧悔莫追竟成

心疾章曹諸將無所稟承臺防危急請

旨電飭楊岳斌迅速渡臺察看劉銘傳如精神識略足鞏全臺卽令其迅速復鷄籠以

贖前過儻病狀屬實則應先解其兵柄俾令靜養冀效將來一面按問李彤恩

挾怨失機罪狀一面嚴飭曹張各軍剋期進取不得遲回致生他變自法越事

起承修陳說兵事凡十三上皆

留覽多見采納十二月左中允樊恭煦因言事降黜承修疏乞

寬免奉

嚴旨切責下部議處尋議以降三級調用

加恩改爲革職留任十一年六月連疏劾湖南布政使龔易圖貪劣鑽營河南開歸陳

許道潘仕釗猥鄙刻薄廣東學政葉大焯嗜利無厭經彭玉麟張之洞查辦得

實均罷斥七月請假回籍省親

詔許之未出都復奉

命赴南關與法使會勘中越分界事宜

法使道羅嘉光十年先伯父與北洋大臣在

天津訂立中法新約之命十月馳抵龍州時北甯諒山越團游勇充斥道路梗

阻法使欲會於北海從廣東欽州勘起總署已堅拒之承修正欲出關察看奉

電諭謂地圖法使所攜有同異當以會典通志爲主或謂諒山在分水嶺東本宜劃

歸越界惟此說與新約不符須費辯論若於兩界之間留出隙地若干里作爲
甌脫最屬相宜而雲貴總督岑毓英則請令法退還北圻數省於河內海陽通
商兩廣總督張之洞則謂三不要地爲歷朝舊界宜劃歸中華時議又謂法兵
病餉艱議院欲棄北圻宜劃諒山河北馱驢爲我界諒山河以南東抵船頭西
抵郎甲河以北爲甌脫更有謂越亂方熾法力已疲待其技窮方易就範持論
不一

上亦以議界必博採衆說多爭一分卽多得一分之利益勿輕率從事爲訓十一月約
法使浦理燮會于文淵先是

諭旨令廣西巡撫李秉衡會同履勘法使以其握兵權也不欲與會堅却之承修電奏
力爭秉衡始得與議兩粵疆臣欲會議時令提督馮子材蘇元春兩軍在粵越
界地陳兵攝制

詔止之承修乃單騎出關與浦使會商堅欲照約先議改正界限而被則力持先勘原

界之說辯論各不下浦使多方恫喝承修亦言看界而不更正卽斷我頭亦不能從浦使知其不可奪陽許以文淵保樂海甯三處歸我旋又悔之陰乃電告其駐京使臣以承修違約爭執勢將罷議復挾其國外部電大言督我

朝廷肆其要脅遂有先勘原界再商更正之

諭承修復電陳三難二害略謂附界居民畏法虐不願改隸者不下數萬人若先勘原界民必驚疑恐遮道攀轅因而滋事難一游勇近攻得保樂牧馬以東千百爲羣道路梗塞難二原界俱在亂山之中十不存五懸厓疊嶂毒瘴漸生加之淋兩人馬不前難三且既勘原界彼必颺去新界絕無可商豈惟駟驢卽文淵亦不可得關門失險戰守俱難害一文淵已失諒北無寸地屬我勢必脅我關內通商邊管盡落後著指盜入門既棄越地復失粵地害二

朝廷始終中于法使先入之言奏入不省仍

電旨催促先勘原界所爭新界暫置不論十二年二月春深瘴起承修電述病狀請暫

停議回龍州醫治俟秋後再勘

上不允而浦使更堅約速勘承修再申前請

嚴旨詰責有者英治罪成案現在之語并下部嚴議承修乃扶病會勘由南關分東西路起勘閱二旬餘勘至平而關瘴癘更盛浦使亦病不能前乃互約停勘旋奉諭鄧承修前曾給假省親准其率同隨員暫回廣東屆期再前往欽州起辦是年冬十月

如約赴欽州十一月至那梭時法使變因事回國別遣狄隆海士來會海士先至海甯適爲越團游勇所戕越粵道梗十二月狄隆始至芒街尙未開議法已先佔江平長山等地盛兵相待承修親往會議而狄使因海士之死疑爲粵人主使甫晤面卽盛氣相加肆言怨憤承修以禮折之氣稍下始及界議法以徧地團勇艱於履勘請援照雲南辦法按圖定界

朝廷已許之於是首議江平黃竹白龍尾各地法已爲其用兵所得不肯輕讓據無稽之圖說欲劃歸越境承修以地屬龍門營水師汛內所轄居民有華無越

中外圖籍炳然極力辯爭狄使見我詞理俱直欲權于白龍尾中畫一綫左歸華右歸越承修以其地爲欽海外戶我守之則遙控海甯敵窺我廉郡必顧其後若彼居之則內逼防城外斷東興思勒是無欽廉也卽中分一綫此島形狹而長彼旣築壘我將安守形勢所關不能遷就議久未決乃暫與定約三條一大段相合二較圖不合作爲未定各請示本國三撤江平之兵狄使仍狡辯乘界議未定竟以兵力驅江平黃竹居民內徙呼籲使轅哀求安置者日凡千百承修責問狄使彼答以兵事有地方官主持江黃界議已歸駐京使臣與總署面議不能撓越反覆詰駁來往六次兩無端緒

朝廷恐議久無成別開邊釁許駐京法使之請凡未定之界歸入後議不決處所一并在京商定乃

諭敕承修先自欽西至桂省全界彼此不爭之處一律作速勘辦遂與狄使卽芒街校對圖籍訂定清約粵桂詳圖分四段第一圖起竹山至隘店隘口而向日所爭

諭之嘉隆河八莊分茅嶺十萬山三不要諸地均歸我界第二圖起平而關至水口關外第三圖起岵賴至各達村外止與雲南界接於十三年二月立約著押以界圖校竣入告四月

諭界務將竣鄧承修准其先回欽州候旨五月復

諭中法續訂界務商務條約已派王大臣與法使畫押其設立界牌事宜照約由地方官會同駐越法員辦理鄧承修著卽馳驛回京尋

予免部議革職處分十四年因病乞解職疏三上

許之在籍主講豐湖書院讀書養母十七年卒于家宣統元年以兩廣總督張人駿請詔將學行事蹟宣付史館立傳
飭地方官以時存問其母

語冰閣奏議目錄

請飭禁抽收賭款疏 同治十三年正月十二日

請勤修省疏 同治十三年二月初七日

請斥革賤役捐考以清流品疏 同治十三年六月二十五日

特參知府招權納賄疏 光緒五年五月初六日

論使臣被議有關政體疏 光緒五年六月初十日

糾學臣貪婪驕蹇疏 光緒五年七月二十九日

請飭禁官吏收受賭規片 同上

會議另摺具陳俄事疏 光緒五年十二月初十日
存彙文選 國器 校案 從此 別錄 本原 抄訂 入本日

劾廷臣濫保疏 光緒六年四月二十八日
存彙文選 國器 校案 從此 別錄 本原 抄訂 入本日

論浙撫清查荒熟辦理失宜疏 光緒六年七月初四日
存彙文選 國器 校案 從此 別錄 本原 抄訂 入本日

請調輔臣入贊樞密疏 光緒六年七月十六日

疏濟湖田以資保衛疏 光緒六年 南道御史任初十日

特參大臣婚嫁違制疏 光緒六年 南道御史任一月二十七日

劾督臣徇私瀆請疏 光緒七年 東城學二月廿日 南道御史任

劾坊官捏稟朦保疏 光緒七年 東城學五月廿二日 南道御史任

劾營房窩賭疏 光緒七年 東城學九月初四日 南道御史任

請任賢去邪以應天譴疏 光緒七年 東城學六月十四日 南道御史任

乞留重臣以維大局疏 光緒七年 東城學九月十五日 南道御史任

請飭究職官捏遞匿名書信疏 光緒七年 東城學十月二十二日 南道御史任

縷陳鄂省積弊疏 光緒七年 南道御史任十一月十八日

請飭查關稅侵蝕以裕國用疏 光緒八年 南道御史任正月十四日

請嚴懲番役妄擊以安輦轂疏 光緒八年 南道御史任初四日

劾帥臣覆奏欺飾疏 光緒八年 南道御史任初十日

請維藩屬疏

工光緒八年八月初二日

權宜補救疏

工光緒八年八月十四日

乞罷樞臣第二疏

工光緒八年八月三十日

請飭嚴緝要犯以雪沈寃片

同上

陳時政闕失疏

工光緒八年十一月初四日

劾臺臣不職疏

工光緒八年十一月二十八日

論城官敗壞風憲貽誤地方片

同上

請撤銷指揮保案片

同上

極陳科場積弊疏

工光緒八年十二月十五日

請飭廣東學臣認真整頓片

同上

請殿試易書以重人才片

同上

請飭查京員交結賄賂片

同上

特參大員違旨任情疏 工光緒九年 任 十七日

請查辦粵匪以遏亂萌疏 工光緒九年 任 二十六日

劾高州府縣暴戾妄為片 同上

訟成員陳國瑞疏 戶光緒九年 任 初一日

論外患日深請下百官廷議疏 戶光緒九年 任 初九日

請另派大員察看河工片 同上

請撤銷知府附祀專祠疏 戶光緒九年 任 二十九日

論粵省劣幕盤踞片 同上

論粵省吏治廢弛片 同上

論言官罔上徇私疏 戶光緒九年 任 十九日

陳粵省吏治積弊疏 戶光緒九年 任 十六日

劾京控命案拖延片 同上

請罰捐巨款以濟要需疏 戶光緒九年十一月十八日

請重懲廣東貪吏片 同上

論大臣貪汙溺職片 同上

劾運使貪邪片 同上

請另揀大員查辦以杜瞻徇疏 戶光緒九年十一月二十二日

劾府尹吸食洋煙片 同上

劾言官挾私逞忿疏 戶光緒十年正月十八日

劾疆臣喪師辱國疏 戶光緒十年二月二十九日

統籌兩粵邊防疏 同上

請並建親賢疏 戶光緒十年三月二十三日

請急籌戰守議 戶光緒十年四月初十日

請留總兵以重畿疆疏 戶光緒十年四月十四日